

# Пенсионн тетклтин тускар

Советск улст көгшрх насднь амрл-гън теткгдх зөвиг Алдр Октябрьск социалистическ революц өгсми. Советск орн-нутгт пенсионн тетклт ик сәәнәр күцәгддждж йовна. Мана орн-нутгин эдл-аху өсх дутман, әмтнә бәәдл-джиргъл ясрх дутман, пенсионн тетклт ясрад йовхми.

Ода мана Элст балгъсид пенс авдг 1839 улс бәәнә. Теднд йисн сарин дунд 3.548.000 арслнъ мөнъгн өггдв, Сар болгън багъ гиснь—300 арслнъ, ик гиснь-1.200 арслнъ мөнъг авдг улс бәәцхәнә.

Одахн балгъсна күцәгч комитетд пенсионермүдин совет бүрдәгдв. Эн советин учрнь болхла—олн мана пенсионермүдиг бүрдәх, тедниг аргъ-чидләрнь олна көдлмшт орлцулх, теднә бәәдл-джиргълнн ясрулгънд дөнъ болх, тедн дунд зөвинь цә-әлждж өгх, төрмүд мөн.

Зәрм пенсионермүд әврәннн зөвән медхш. Тер учрар би эн статьядан зәрм төрмүдәр цәәлгъвр өгчәнәв.

Көгшрх насдан кен пенсий авх зөвтәв?

1. Залу күн 60 күрсн насдан, кемр көдлмшиннн стажнь 25 джил күцсн болхла, пенс авх зөвтә.

2. Күүкд күн 55 күрсн насдан, кемр көдлмшиннн стажнь 20 джил күцсн болхла, авхми.

Болв көдлмшчнр боли үүлд церг-ләчнр, газр дор көдлдг, күчр-күнд көдлмшт боли халун цехд көдлдг болхла:

залу күн-50 күрсн насдан, кемр көдлмшиннн стажнь 20 джил күцсн болхла;

күүкд күн-45 күрсн насдан, кемр көдлмшиннн стажнь 15 джил күцсн болхла.

Кемр көдлмшчнр боли үүлд церг-

ләчнр пенс авх зөвтә цуг стажиннн өрәлднн газр дор, күчр-күнд боли халун цехд көдлсн болхла, теднд пенс льготн таалар өггдхми. Улгүрнн: шофер сүл 9 джилд автобазд көдлджәнә, өмнн 12 джил шахтд көдлдж. Эн 50 нас күрхләрн, льготн таалар пенс авхми, юнъгад гих-лә, энүнә газр дор көдлсн цагнь пенс авх цуг стажиннн өрәләс ик.

Тавн, әс гидж энүнәс даву үрдүд гаргъад, хәләгъад, нәәмтә күртлнн өсксн күүкд күн, 50 нас күрсн цагтан, кемр көдлмшиннн стажнь 15 джил күцсн болхла, пенс авхми.

Государственн Закана 10-ч статьягъас иштәгъәр, оln үрдүдтә экнр, үрдүднн экиннн өөр әс бәәдг болв чигн, эн льгот олзлдж чадх зөвтә.

Болв күүкчлдж-көвүчлдж авсн көвүд-күүкд, гаргъсн үрдүдлә әдл зөвд багтдж, льготн пенс авхд зөв өгхми биш.

Кемр күүкд күн тавнас үлү үрдүд гаргъсн болв чигн, экин зөв геесн болхла, льготн пенс авш уга.

Наснь күцсн көдлмшчнрт боли үүлд цергләчнрт, көдлмшиннн стажнь күцәд уга болв чигн, кемр тавн джил көдлсн болхла, терүнәсн 3 джилднн пенс сурхин өмн нег ормдан көдлджәхлә, күцц пенсин дөрвнә кеснә нег хүвнн өггдхми.

Залу күн 60 күрчкәд, күүкд күн 55 күрчкәд көдлмшт орхла, тер стаж пенс авх зөвд орш уга.

Көдлмшч боли үүлд цергләч пенсд гарх күртлән көдлх зөвтә, әс гидж көдлдгән уурсна хөөн сар давад уга бәәдждж, пенс авх зөвиннн тускар кергтә тоот цаасан орулдж өгх зөвтә.

**С. ЧУРЮМОВ.**

**Балгъсна тетклтин әнъгин заве-  
дующ.**